



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis vigesima-nona
mensis Decembris, anno Domini M. DCC. LVII.

M. CAROLO-AUGUSTINO VANDERMONDE, Chirurgiæ
Gallico Idiomate Professore designato, Censore Regio,
Instituti Bononiensis Socio, Doctore Medico, Præside.

An infantum, à dentitione, convulsionibus, vel soporibus, repetitus
catharticorum usus?

I.



OMNIS vita à doloribus auspicatur. Vix eâ potitur miser,
cum diris torqueri, dentitionis labore, vix desinat cruciatibus. Tu-
mentes gingivæ prurigne, dolore, phlogosi afficiuntur; pullulant
in ore aphthæ, ardor & sitis intenduntur, clamitant infomes in-
fantuli, irrequieti huc, illuc agitantur. Alimentum acescit in ven-
triculo, devehitur ad intestina male subactum, corruptum, pun-
gentia tormina, flatus, borborigmos fuscitat, prævum ministrat chylum: sangui-
nem, bilem, succum nutritium, aliosque inficit humores. Hoc ritu secretiones &
excretiones pervertuntur. Stagnant in vasis minimis liquida, inspissantur, depra-

vantur; infarciuntur viscera, intumescit abdomen; exoritur febris, tussis, dyspncea; torpescunt artus, flaccescunt; vix collum sustinet capitis onus; tandem, astrictâ alvo, accedunt membrorum & tendinum subfultus, convulsiones, quandoque sopores.

I I.

In genere, ab accidentibus externis, vel animi pathematis, immò sæpius à pravâ corporis diathesi, spasmorum, soporumque repete originem. Convulsio, ex Hippocrate, fit vel inanitione, vel repletione. Hanc argue in pueris causam quæ cerebri, & nervorum exordia constringere & opprimere potis est: infarctum videlicet tubulorum ejusdem visceris, sanguinis & lymphæ, in innumeris capillaribus hæsiōnem: viget enim inter caput & præcordia intimior consensus; dum infarctâ abdominis viscera vix peragrans purpureus latex, ad capitis arterias regurgitat ibi cumulandus; cum non eâ proportionē per venas relabatur, quâ arteriis vehitur. Eò plura ex abdomine refluent cum regurgitante sanguine pericula, quòd illud totius corporis sentina, & inquinamentorum receptaculum, succorum stagnationi valde sit obnoxium. Per inollem & teneram illius viscerum compagem, per vasa flaccidioris mesenterii adminiculo languente suffulta, per glandularum in eo disperfarum debiliorem texturam, per vasa plurimi generis succos lentescētes; & pravè coctos vehentia, segniùs propulsi liquores ingurgitantur facili, sensim sine sensu congeriuntur, parum renitente vasorum huc, illuc fluctuantium tono. His adde infantulorum musculos motibus & exercitationibus prorsus tunc temporis impares, fibras eorum laxiores & debiliores. Sic congestionum cerebri foveantur primordia.

I I I.

INTER omnia, sagacitate, industriâque humanâ, ad sanandas ægritudines excogitata commoda, palmam sibi proripuisse videtur catharsis. Hæc Apollinis arti cœva, sola medicinæ nomine gaudet. Sua sunt interim cuique morbo, tempori, ætati, regioni, anni tempestatī, pecularia evacuandi præsidia: è triplici regno desumpta. Cave eadem in pleuritide, quàm urgente apoplexiâ, decernas. In febribus biliosis intermittētibz, tutò & feliciter in incremento propinabis, dum in inflammatoriis & acutis, non nisi declinante æstu, relaxatisque vasorum fibris, adhibenda. Alia pueris, alia adultis, alia senibus sunt præscribenda cathartica. Qui sub zonâ torridâ degunt populi, non nisi lenissimis utuntur; Septentrionales autem drastica, & acriora crebrò devorant infantes hydragoga. Hyeme & autumnō, ventres utpote calidiores, validiùs quàm verno & æstivo tempore expurgare oportet. Mortalium primus qui morborum signa, & naturæ varia, in dispari fuimet habitu, attentè observavit molimina, Causarius. Is, valetudinem sibi restauratam naturalis diarrhææ beneficio, haud semel expertus, tandem mole & pondere aggravatus, ad edulia ventrem laxantia recurrendum duxit. Sic nata purgandi occasio. Inter sensiles corporis excretionēs, hæc imprimis spectanda. Sint aliæ vel imminutæ, vel laxæ, hæc uberior, naturæ moribus, aut opportuno subsidio comparata, aliarum sæpe vices gerit: atque æquilibrium solida inter & fluida restituit, & sanitatem: immò plures hæc judicantur morbi, quàm aliis simul unitis.

IN infantulorum, à dentitione, spasms & soporibus; cerebri compressionem ab infarctu abdominis enatam, sat superque demonstravimus. Hanc derivationis ope amovendam, sicque primariam morbi causam auferendam, qui inficias iverit? Vel detracto è saphenâ sanguine, vel dejectâ pluries alvo, vasorum capitis derivatio comparanda. Utrumque molienti, certiores & constantiores pendendæ indicationes. Has desume ex molliori, & laxiori musculorum, aliarumque tenerrimarum partium texturâ; ex vasorum ubertate, & lymphæ nutritiæ redundantia; ex parvâ perspiratione; ex pulsu molli & flaccido; & denique ex succorum glutine & vasorum atoniâ: quæ singula sanguinis detractiōnem deterrent & respuunt. His adde, naturæ viam monstrantis, vestigia à venerando sene olim explorata. *In progressu verò*, inquit, *cum jam dentire incipiunt, gingivarum prurigines, febres, convulsiones, alvi profluvia, & maxime cum caninos edunt dentes, & iis præsertim qui crassissimi sunt & alvos duras habent* 3. prognos. 25. Cum verò eos qui alvi profluvio laborant minimè spasms corripit, etiam hodierna evincat experientia: quid obstat quominus, hæc excretionē provocatâ, gementi crassiorum sub pondere fluidorum naturæ, auxilium feratur? Cum, *quæ educenda sunt, quò maxime natura vergit, ducere oportent, per loca conferentia* 1. acut. 21. Non enim solam ventriculi & intestinorum faburram, iteratis catharticoꝝ vellicationibus, foras amandari norum. Corpus humanum totum depurari posse per alvum, probant hiantia in intestinis lymphaticarum mesenterii arteriolarum oscula: ex quibus, catharticoꝝ ope, serum in fistulam intestinalem depluit. Alit, in catharticis eligendis, invigilet sedulò quisquis ea pueris ægrotantibus porriget medicus. Aliis spissescit, aliis liquefcit sanguinis compages. Semotis prioribus, posteriora eligat. Horum tenuiores moleculæ in sanguinis alveum, per vasa Chylopoeciæ protrusæ, eundem sic exagitant, ut inde minor evadat globulorum coherencia: sic vasa stimulant, ut adaugeatur vis eorum systaltica. Debiliùs inter se coherentes sanguinis moleculæ, vasorum actioni resistunt minùs, vasisque validiùs contractis, validiori nisu in se se mutuo arietant globuli sanguinei. Augetur motus sanguinis, tum intestinus, tum circulatorius. Dum verò tragediam agit in sanguine quidquid catharticoꝝ volatilius, haud muneribus fungendis impar, nerveam intestinorum tunicam in validiores contractionum nifus ciet, quid quid eorum crassius, quàm ut lacteorum oscula subierit. Hinc jam tenuior facta, quæ ad meseraicarum arteriarum fines appellit serosa sanguinis portio, quasi jugi stillicidio in intestina delabitur, adauctoque motu eorum peristaltico, par catharticoꝝ foras amandatur.

V.

LICET præcipuum, puerorum convulsionibus, stabiliamus in purgatione præsidium: ex artis tamen fertili sinu, diversa alia depromi commoda, quis negat? Sunt & gingivarum frictiones, scarificationes, unctiones, aliæque topicæ medicationes, quibus omnino fidere nefas. Sunt antispasmodica, temperantia, sedativa, immò opiatâ ipsa, quæ in vasorum infarctu, & liquorum in-

4
 spiffatione inutilia, si non noxia cenfemus. Sanguinis miffio, non nifi indicationibus appofitis, tentanda. Si pulfus durus, frequens, abdomen tenfum, re-
 nitens, urinæ fœcesque pertinaciter retentæ, faphenam illico feca, non femel
 tantum, fed quantum urgebit occasio, ægrotantisque vires indulgebunt. Ea
 tamen fit medendi cautela, ut clyfmata varia, fofus & unctïones adhiberi cu-
 ret, pulveres abforbentes deglutiendos jubeat, immò, purgatâ priùs nutrice,
 puero cathartica adæquata, diuque reperita, ad morbi fomitem eradicandum
 depellendumque præfcribat.

*Ergò infantum, à demitione, convulfionibus, vel foporibus, repetitis
 catharticorum ufus.*

DOMINI DOCTORES DISPUTATURI.

*M. Francifcus Bidault,
 Rei Herbaria Profeffor
 designatus,*

M. Jofephus Lallemani.

*M. Natalis - Maria de
 Gevigland.*

*M. Joannes - Claudius
 Munier, Confiliarius
 Medicus Regis ordi-
 narius, & Domus Re-
 gie Invalidorum.*

*M. Petrus Poiffonnier, Schola-
 rum Profeffor designatus, Pro-
 feffor & Cenfor Regius, ne-
 non Militarium Regis Nofo-
 comiorum in Alfatia Medi-
 cus & Infpector primarius.*

*M. Francifcus - David
 Heriffant, Regia Scien-
 tiarum Academia, Re-
 gieque Societatis Lon-
 dinenfis Socius.*

*M. Ludovicus - Renatus
 Marteau.*

*M. Antonius le Camus, Aca-
 demia Regia Rupellenfis, &
 Societatis Litteraria Catalau-
 nenfis Socius.*

*M. Jacobus - Francifcus
 le Chat de la Sour-
 diere.*

Proponebat Parifis FRANCISCUS - LUDOVICUS THOMAS
 D'ONGLÉE, Doctor Medicus Remenfis, Collegii Regii Medicorum
 Cenomanorum Socius, Saluberrimæ Facultatis Medicinæ Baccalaureus,
 A. R. S. H. 1757, A ÆXTA AD MERIDIEM.

Typis Viduæ QUILLAV, Univerfitatis & Facultatis Med. Typogr. 1757.